

ORDENANZA 1.01
IMPOSTO SOBRE BENS INMOBLES

Artigo 1º. Tipo impositivo

De conformidade co previsto no artigo 72 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais:

a) O tipo de gravame do imposto sobre Bens Inmobles aplicable aos bens de natureza urbana fíxase no 0,51%.

b) O tipo de gravame do Imposto sobre Bens Inmobles aplicable aos bens de natureza rústica fíxase no 0,48%.

c) O tipo de gravame do Imposto sobre Bens Inmobles aplicable aos bens de características especiais fíxase para cada clase en:

c.1.- 1,3% para os destinados á produción de enerxía eléctrica e gas e refino de petróleo, e as centrais nucleares

c.2.- 1,3% para os saltos de auga e encoros, incluídos o leito ou vaso, excepto as destinadas exclusivamente ao rego

c.3.- 1,3% para as autoestradas, estradas e túneles de peaxe

c.4.- 1 % para os aeroportos

d) Establécense tipos de gravame diferenciados para os inmobles de natureza urbana, excluídos os de uso residencial, atendendo aos usos establecidos na normativa catastral para a valoración das construcións, que superen o valor catastral que para cada un dos usos se recolle no seguinte cadro:

Código uso	Valor catastral (euros)	Tipo de gravame
A- Almacén e estacionamento	22.000,00	0,55%
C- Comercial	199.000,00	0,55%
G- Lecer e hostalaría	1.475.000,00	0,55%
I- Industrial	585.000,00	0,55%
M- Obras de urbanización, solares e solos sen edificar	53.000,00	0,55%

O- Oficinas	398.000,00	0,55%
R- Relixioso	1.775.000,00	0,55%
T- Espectáculos	12.080.000,00	0,55%

En todo caso, os tipos de gravame diferenciados a que se refire este apartado só poderán aplicarse, como máximo, ao 10 por cento dos inmoables do termo municipal que, para cada uso, teñan maior valor catastral.

e) Os bens inmoables de natureza urbana de uso residencial que se atopen desocupados con carácter permanente, por cumprir as condicións que se determinen regulamentariamente, serán obxecto dun recargo do 50% sobre a cota líquida do imposto. Dito recargo devindicarase o 31 de decembro e liquidarase anualmente unha vez contrastada a desocupación do inmoable xunto co acto administrativo polo que sexa declarada.

Artigo 2º. Exencións

1. Gozarán de exención ós inmoables previstos no artigo 62.1 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais.

2. Gozarán tamén de exención, previa solicitude, os inmoables previstos no artigo 62.2 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais. A solicitude, que deberá presentarse antes do 1 de marzo de cada exercicio, incluírá a acreditación do cumprimento dos requisitos esixibles para a aplicación da exención:

a) No caso dos centros docentes con concerto educativo:

- Certificado da Administración educativa correspondente, acreditativa da calidade de centro concertado, asignable ós edificios e instalacións destinadas directa e exclusivamente ás actividades docentes obxecto de exención

- Informe da Dirección Xeral do Centro de Xestión Catastral e Cooperación Tributaria, acreditativo das superficies dos edificios ou conxuntos urbanísticos, adscritos exclusivamente á actividade educativa ou a servizos complementarios da ensinanza e de asistencia docente de carácter necesario, coa indicación do valor catastral asignado a cada un dos elementos citados.

b) No caso dos inmoables declarados expresa e individualizadamente monumento ou xardín histórico de interese cultural, a declaración do inmoable como ben de interese cultural.

c) No caso das superficies dos montes con repoboamento forestal ou rexeneración de masas arbóreas, certificación acreditativa emitida polo órgano competente da Administración Autonómica.

3. Gozarán así mesmo de exención os seguintes inmoables

- a) Os de natureza urbana, sempre que a cota líquida, resultante da aplicación dos beneficios fiscais, sexa inferior a 10 euros.
- b) Os de natureza rústica, no caso que, para cada suxeito pasivo, a cota líquida correspondente á totalidade de bens rústicos posuídos no Municipio sexa inferior, despois de ser aplicados os beneficios fiscais, a 10 euros.

Artigo 3º. Bonificacións

1. Gozarán dunha bonificación do 90% na cota do imposto os inmobles que constitúan o obxecto da actividade das empresas de urbanización, construción e promoción inmobiliaria, tanto de obra nova como de rehabilitación equiparable a esta, e que non figuren entre os bens do seu inmovilizado.

O prazo de aplicación desta bonificación comprenderá dende o período impositivo seguinte a aquel en que comecen as obras ata o posterior ó remate das mesmas, sempre que durante ese tempo se realicen obras de urbanización ou construción efectiva, e sen que, en ningún caso, poida exceder de tres períodos impositivos. A solicitude da bonificación débese formular antes do comezo das obras, entendendo por tal o día seguinte á notificación do acordo de concesión da licenza, por parte da administración municipal.

Para beneficiárense da citada bonificación, os interesados deberán presentar a documentación seguinte:

- a) Acreditación de que a empresa se dedica á actividade de urbanización, construción e promoción inmobiliaria, mediante a presentación dos estatutos da sociedade.
- b) Acreditación de que o inmovible obxecto da bonificación non forma parte do inmovilizado mediante certificación do Administrador da Sociedade

2. As vivendas de protección autonómica gozarán dunha bonificación do 50 por 100 durante o prazo de tres anos contados dende o exercicio seguinte ó do outorgamento da cualificación definitiva.

Ao longo dos dez exercicios seguintes ao período citado, as vivendas de protección oficial gozarán dunha bonificación do 35% na cota íntegra do imposto, sempre que se manteña a titularidade do inmovible e este constitúa a residencia habitual do titular.

Esta bonificación terá que ser solicitada polo interesado durante o prazo de vixencia da mesma e terá efectos desde o período seguinte ao da solicitude.

Os solicitantes presentarán a cédula de cualificación definitiva como Vivenda de protección autonómica do inmovible e a documentación acreditativa da titularidade do devandito inmovible.

3. Os suxeitos pasivos que ostenten a condición de titulares de familia numerosa beneficiaranse dunha bonificación na cota íntegra do inmovible de uso residencial que constituía a súa residencia habitual, sempre co valor catastral do mesmo non supere 190.000,00 euros, e na que estean empadroados os membros da unidade familiar, coas condicións e características seguintes: Ingresos familiares anuais brutos per cápita comprendidos nalgún dos intervalos da táboa seguinte, tomando como valores de referencia 14 pagas mensuais do Indicador Público de Renda de Efectos Múltiplos

(IPREM) vixente:

Intervalo	Bonificación
\leq IPREM	90 %
$>$ IPREM e \leq 1,25 IPREM	80 %
$>$ 1,25 IPREM e \leq 1,5 IPREM	70 %
$>$ 1,5 IPREM e \leq 1,75 IPREM	50 %
$>$ 1,75 IPREM e \leq 2 IPREM	30 %
$>$ 2 IPREM	10%

O ingreso familiar bruto anual per cápita calcularase dividindo a totalidade dos ingresos brutos anuais da unidade familiar entre o número de integrantes. No caso dalgún integrante cun grao de discapacidade superior ao 65%, computarase como se foran dúas persoas e no caso de que o grao de discapacidade estivese entre o 33% e o 65% computarase como 1,5 persoas.

O termo unidade familiar, tanto a efectos de empadroamento como de declaración de ingresos, corresponde co de familia numerosa integrada polos membros da mesma incluídos no título oficial correspondente.

Para a aplicación das bonificacións será requisito imprescindible a súa solicitude polo interesado, que deberá acreditar a condición de familia numerosa, por medio do título oficial; e o grao de discapacidade dos integrantes, se os houbera, mediante certificado de grao de discapacidade emitido pola Consellería competente.

O Concello constatará de oficio o empadroamento no inmovible obxecto da solicitude. Igualmente o Concello constatará de oficio os ingresos declarados á administración tributaria por parte dos integrantes da unidade familiar, previa autorización asinada polos membros da unidade familiar maiores de 18 anos, podendo requirir as informacións e documentos adicionais que estime oportunas.

Terán efectos no padrón do imposto, as solicitudes presentadas antes do un de marzo de cada ano, sempre que nas mesmas se acredite que se reúnen os requisitos esixidos para o seu goce o día un de xaneiro.

Incluiranse, así mesmo, no padrón do imposto as bonificacións concedidas nos anos anteriores que o día un de xaneiro sigan reunindo as condicións esixidas para o seu goce. Non se poderá aplicar a bonificación a mais dunha vivenda por titular.

4. Os bens inmobles de natureza urbana localizados nas áreas ou zonas do concello que, conforme ao establecido na lei de Ordenación Urbanística e protección do medio rural de Galicia e no planeamento urbanístico municipal vixente, correspondan a asentamentos de poboación singularizados pola súa vinculación ou preeminencia de actividades primarias de carácter agrícola, gandeira ou forestal, e que dispoñan dun insuficiente nivel de servizos básicos de titularidade municipal (auga, saneamento, alumeadado público) gozarán dunha bonificación nas condicións que a continuación se determinan:

- a) Carencia dos tres servizos básicos, 90%.
- b) Carencia de dous dos tres servizos básicos, 60%.
- c) Carencia de un dos tres servizos básicos, 30%.

As áreas ou zonas indicadas son aquelas incluídas no ámbito do artigo 13 da LOUPMR e nas ordenanzas 13 e 14 do vixente PXOU. A bonificación incluírase de oficio mediante comunicación previa do departamento de Licencias no momento de outorgar a licenza de primeira ocupación nos ámbitos das ordenanzas citadas e unha vez que se comprobe a carencia dos servizos básicos de titularidade municipal polo departamento ou departamentos municipais que xestionen aqueles servizos.

O beneficio permanecerá en tanto non se provea de servizos aos devanditos asentamentos de poboación singularizados.

O departamento ou departamentos municipais que xestionen os devanditos servizos comunicará ao servizo de Xestión, Recadación e Inspección cada actuación que dote de algún dos servizos básicos aos asentamentos singularizados de poboación definidos conforme aos criterios deste artigo.

O servizo de Xestión, Recadación e Inspección comunicará ao suxeito pasivo a perda ou modificación deste beneficio fiscal.

5. Gozarán dunha bonificación do 95% da cota os bens de natureza rústica das Cooperativas Agrarias e de Explotación Comunitaria da terra.

Os solicitantes presentarán o certificado sobre a condición de Cooperativas Agraria ou de Explotación Comunitaria da terra, emitido pola administración correspondente. Terán efectos no padrón do imposto as

solicitudes presentadas antes do un de marzo de cada ano que reúnan os requisitos esixidos para o seu goce o día un de xaneiro.

6. Gozarán dunha bonificación do 95% da cota os inmobles de organismos públicos de investigación e os de ensinanza universitaria sempre que o solicitante acredite que están directamente afectos a esas finalidades.

Terán efectos no padrón do imposto as solicitudes presentadas antes do un de marzo de cada ano que reúnan os requisitos esixidos para o seu goce o día un de xaneiro.

7. Gozarán dunha bonificación do 50% da cota os inmobles aos que non se lles aplica a exención do artigo 62.2 b) do Texto refundido da lei de facendas locais, aprobado polo Real decreto lexislativo 2/2004, de 5 de marzo, por estar afectos a unha actividade económica.

8.- Gozarán dunha bonificación do 50% da cota, durante os cinco períodos impositivos seguintes ao de finalización da súa instalación ou da obtención do certificado de eficiencia enerxética, os inmobles de uso residencial que constitúan a residencia habitual dos suxeitos pasivos, en calquera dos seguintes supostos, sempre que se acredite a concesión da licenza municipal ou a tramitación da declaración responsable ou comunicación previa:

8.1.- cando os inmobles teñan instalados sistemas para o aproveitamento térmico ou eléctrico da enerxía proveniente do sol para autoconsumo. Para a aplicación desta bonificación será necesario:

a.- que os sistemas de aproveitamento térmico instalados dispoñan dunha superficie mínima de captación solar útil de 4 m² por cada 100 m² de superficie construída; e que os sistemas de aproveitamento eléctrico dispoñan dunha potencia instalada mínima de 5 kw por cada 100 m² de superficie construída.

b.- que as instalacións para produción de calor inclúan colectores homologados pola administración competente.

c.- que a instalación dos sistemas de aproveitamento de enerxía solar non sexa obrigatoria de acordo coa normativa aplicable.

8.2.- que o inmovible teña certificado coa máis alta cualificación de eficiencia enerxética proveniente do aproveitamento da enerxía solar. Para a aplicación desta bonificación será necesario que a certificación enerxética coa máis alta cualificación non sexa obrigatoria de acordo coa normativa aplicable.

8.3- Os solicitantes da bonificación deberán acreditar o cumprimento dos requisitos mediante a presentación da seguinte documentación.

8.3.1.- No suposto da bonificación do artigo 8.1:

- a.- proxecto técnico ou memoria técnica
- b.- certificado de montaxe, no seu caso, e certificado de instalación dilixenciados polo organismo autorizado da Comunidade Autónoma
- c.- especificacións técnicas dos sistemas instalados
- d.- acreditación da concesión da licenza de obras, comunicación previa ou declaración responsable da obra e instalación dos sistemas de produción de enerxía
- e.- certificado final de obras, no seu caso
- f.- copia da carta de pago ou o número de liquidación da taxa pola licenza de obras e polo imposto sobre construcións, instalacións e obras

8.3.2.- No suposto da bonificación regulada no artigo 8.2:

- a.- acreditación da concesión da licenza de obras, comunicación previa ou declaración responsable da obra e instalación dos sistemas de produción de enerxía
- b.- copia da carta de pago ou o número de liquidación da taxa pola licenza de obras e polo imposto sobre construcións, instalacións e obras
- c.- certificado de eficiencia enerxética rexistrado no Rexistro de certificados de eficiencia enerxética de edificios da Comunidade Autónoma de Galicia

8.4.- Para a concesión deste beneficio será necesario o informe do Servizo de Licenzas que acredite o cumprimento dos requisitos para o goce do mesmo. O Servizo de Tesourería constatará de oficio o empadramento do suxeito pasivo no inmovible obxecto da solicitude.

8.5.- Terán efectos no padrón do imposto as solicitudes presentadas antes do un de marzo de cada ano que reúnan os requisitos esixidos para o seu goce o día un de xaneiro. Transcorrido o período de goce sinalado non se poderá conceder de novo o beneficio por este motivo

9.- Establécese unha bonificación na cota íntegra do imposto sobre bens inmovibles de natureza urbana para os suxeitos pasivos que tributen por cota municipal do imposto sobre actividades económicas e desenvolvan actividades económicas que sexan declaradas de especial interese ou utilidade municipal por concorrer

circunstancias de fomento do emprego a xuízo do Pleno da corporación, co voto da maioría simple dos seus membros, previa solicitude do interesado e informe do departamento de Emprego.

9.1.- O solicitante, que en todo caso debe ser o suxeito pasivo do imposto sobre bens inmobles e o titular da actividade económica, deberá presentar xunto coa solicitude:

- .- Memoria xustificativa sobre o proxecto da actividade económica de nova creación ou de ampliación das instalacións, na que constará a creación de novos postos de traballo, o número de novos postos de traballo, a súa categoría profesional e a modalidade e duración da contratación.
- .- Certificados de estar ao corrente coa Facenda estatal, autonómica e coa Seguridade Social.
- .- Identificación da comunicación previa de inicio de actividade ou solicitude do título habilitante para o exercicio da mesma no Concello de Santiago de Compostela.
- .- Informe de vida laboral das contas de cotización dende o inicio ou ampliación da actividade.
- .- Relación dos traballadores contratados con expresión do seu nome e apelidos, NIF, nº de afiliación á seguridade social, data de inicio, modalidade e duración do seu contrato.
- .- Relacións nominais de traballadores –RNT- e recibos de liquidación das cotizacións –RLC-
- .- Copia dos contratos de traballo dos empregos contratados.
- .- No seu caso, TA2 de baixa dos traballadores indefinidos contratados que causaron baixa por dimisión, morte, xubilación, incapacidade permanente total, absoluta ou gran invalidez, ou por resolución durante o período de proba.
- .- Certificación de períodos de inscrición da oficina do Servizo Galego de Colocación no que estivera inscrita

- .- Informe de vida laboral relativo os doce meses anteriores á data da contratación.

9.2.- Aos efectos deste beneficio fiscal:

- a.- Esta medida será de aplicación unicamente a aqueles supostos de implantación dunha nova actividade económica así como a aqueles outros que consistan nunha ampliación das instalacións, sempre e cando implique creación de emprego. O inmovible no que se desenvolve a actividade económica ha de constituír o centro de traballo no que se adoptan as medidas de fomento do emprego.
- b.- Considéranse actividades económicas as gandeiras (cando sexan independentes), mineiras, industriais, comerciais e de servizos, e artísticas [Seccións 1, 2 e 3 do IAE].

c.- Entenderase que se implanta unha nova actividade económica cando se proceda a ordenación por conta propia de medios de produción e/ou recursos humanos, sendo a súa finalidade a de intervir na produción ou distribución de bens ou servizos. A aplicación da bonificación requirirá que a actividade económica non se exercera anteriormente baixo outra titularidade. Entenderase que a actividade exerceuse anteriormente baixo outra titularidade, entre outros, nos supostos de fusión, escisión ou aportación de ramas de actividade, así coma nos casos de constitución de sociedades para o desenvolvemento de actividades exercidas a título individual por un ou varios socios que ostenten o control das mesmas.

Non se considerará nova actividade económica:

c.1 Cando a alta corresponda a unha transformación da forma xurídica da titularidade da actividade.

c.2 Cando a alta responda a un cambio de epígrafe por imperativo legal ou para subsanar unha errónea cualificación anterior.

c.3 Cando a alta se refira a un novo local dunha actividade que previamente se desenvolvía polo mesmo titular.

c.4 Cando a alta estivera precedida dunha baixa de actividade e suxeito pasivo, nun período de 5 anos

d.- Entenderase que hai unha nova construción ou ampliación de instalacións cando conste a autorización municipal que proceda para a súa execución

e.- Enténdese que existe creación de emprego cando se constate un incremento de persoal como consecuencia do inicio da actividade ou da ampliación das instalacións. En sentido contrario non existe creación de emprego cando non hai incremento neto de persoal no conxunto dos centros de traballo radicados no municipio de Santiago de Compostela.

9.3.- Requisitos adicionais de fomento de emprego:

.- As contratacións deberán ser indefinidas e a xornada completa.

.- As persoas contratadas deberán ser persoas desempregadas inscritas como demandantes de emprego nos seis meses anteriores a contratación, xustificándose tal condición mediante a oportuna certificación de períodos de inscrición da oficina do Servizo Galego de Colocación no que estivera inscrita.

.- Inexistencia de relación laboral coa persoa física ou xurídica contratante durante os doce meses anteriores á data da contratación, acreditada mediante informe de vida laboral relativo os doce meses anteriores á data da contratación.

.- Non se aplicará o beneficio fiscal cando o titular da actividade económica tivera adoptado medidas de regulación do emprego nos 12 meses anteriores a formalización dos contratos de traballo.

9.4.- Porcentaxes, prazo e mantemento do beneficio

a.- O beneficio fiscal aplicarase durante os tres exercicios seguintes ao inicio de actividade ou ampliación de instalacións, sempre que conte co título habilitante municipal para o exercicio da mesma e se manteñan as condicións que serviron de base para a concesión.

Nos casos de implantación de novas empresas dos sectores da biotecnoloxía e da madeira, e dada a súa importancia estratéxica para o desenvolvemento industrial de Santiago de Compostela, o beneficio aplicarase durante os cinco exercicios nos termos expostos no punto anterior.

As solicitudes presentadas antes do 1 de marzo terán efectos no padrón dese ano. As presentadas con posterioridade terán efectos a partires do ano seguinte

b.- Se distinguen dúas gradacións de porcentaxes de aplicación, unha xeral, e outra para os supostos de construcións, instalacións e obras destinadas aos sectores da biotecnoloxía e da madeira, dada a súa importancia estratéxica para o desenvolvemento industrial da cidade,

b.1.- Con carácter xeral as porcentaxes de bonificación serán:

- .-95 por 100 pola creación de máis de 20 postos de traballo.
- .-75 por 100 pola creación de entre 11 e 20 postos de traballo.
- .-50 por 100 pola creación de ata 10 postos de traballo

b.2.- Con carácter específico as porcentaxes de bonificación para as empresas dos sectores da biotecnoloxía e da madeira serán:

- .- 95 por 100 pola creación de máis de 10 postos de traballo
- .- 65 por 100 pola creación de ata 10 postos de traballo.

c.- O Concello revisará de oficio o mantemento das condicións de creación de postos de traballo durante o período de goce do beneficio. No suposto de que mude o número de postos creados aplicarase a porcentaxe que corresponda de acordo cos tramos indicados. A perda de emprego e a existencia de débedas do suxeito pasivo no período de goce do beneficio fiscal suporá a perda do beneficio fiscal

10.- Terán dereito a unha bonificación do 95% da cota íntegra do imposto aqueles inmobles de natureza urbana, titularidade de corporacións de dereito público, nos que desenvolvan actividades declaradas de interese público ou utilidade municipal por contribuir á defensa, apoio ou fomento do comercio, da industria, dos servizos e a navegación, ou que sexan de utilidade para o desenvolvemento das indicadas finalidades, a xuízo do Pleno da corporación, co voto da maioría simple dos seus membros, previa solicitude do interesado e informe do departamento de Promoción Económica.

10.1.-Requisitos para a admisión a trámite da solicitude:

a.- O titular da actividade será o suxeito pasivo do imposto sobre bens inmobles b.- O suxeito pasivo do imposto sobre bens inmobles, no momento de presentar a solicitude, deberá estar ao corrente no pago das súas débedas coa facenda estatal, autonómica e municipal e nas cotas correspondentes á Seguridade Social

10.2.-A bonificación terá carácter rogado. Terán efectos no padrón do imposto as solicitudes presentadas antes do un de marzo de cada ano que reúnan os requisitos esixidos para o seu goce o día un de xaneiro.

10.3.- Documentación

O interesado achegará a seguinte documentación:

.- Memoria xustificativa do interese público ou utilidade municipal da actividade desenvolvida no inmovle

.-Certificados de estar ao corrente coa Facenda estatal, autonómica e coa Seguridade Social.

11. As bonificacións reguladas nos apartados 1 e 2 do punto 8 son incompatibles entre sí. As bonificacións contempladas nos puntos 2, 3, 4 serán compatibles entre sí e con calquera das reguladas nos apartados 1 e 2 do punto 8 deste artigo.

Artigo 4º. Normas de xestión

1.- Ao abeiro do artigo 14 b do Real Decreto Lexislativo 1/2004, de 5 de marzo, polo que se proba o Texto Refundido da Lei do catastro Inmobiliario, o Concello de Santiago de Compostela obrígase a comunicar ao Catastro Inmobiliario os feitos, actos ou negocios susceptibles de xerar unha alta, baixa ou modificación catastral, derivados de actuacións para as que teña outorgado expresamente a correspondente licenza ou autorización municipal, nos termos e condicións que se determinen pola Dirección Xeral do Catastro.

2.- O procedemento de comunicación catastral terá por obxecto os seguintes feitos, actos ou negocios:

- a) a realización de novas construción
- b) a ampliación, modificación, rehabilitación ou reforma das construcións existentes, sexa parcial ou total
- c) a demolición ou derruba das construcións
- d) a modificación do uso ou destino de edificios e instalación

f) Calquera outra licenza ou autorización equivalente as anteriores de acordo coa lexislación aplicable, como as relativas a segregacións, agrupacións ou agregación de inmobles.

3.- O Concello advertirá expresamente e por escrito, no momento de outorgar as licenzas ou autorizacións, da exención da obriga de declarar ante o Catastro Inmobiliario os feitos, actos ou negocios que sexan obxecto do procedemento de comunicación. A exención da obriga de declarar producirase cando o solicitante presente a documentación requirida no formato electrónico, segundo as especificacións técnicas que estableza o Concello

Artigo 5º. Infraccións e sancións

Para todo o relativo á cualificación de infraccións tributarias e a imposición das sancións correspondentes, rexerá o disposto nos artigos 178 e seguintes da L.X.T.

Disposición derradeira

A presente ordenanza foi aprobada de xeito provisorio polo Pleno da Corporación na sesión celebrada o día trinta e un de outubro de dous mil dezanove. Contra o acordo de aprobación inicial non se presentaron reclamacións, polo que se entende elevado automaticamente a definitivo. Comezará a aplicarse a partir do primeiro de xaneiro do ano dous mil vinte, e aplicarase mentres non se acorde a súa derogación ou modificación.